



Inatsisartunut ilaasortaq
Anna Wangenheim
Demokraatit

Kalaallit Nunaanni sullivinni avatangiisit pillugit § 37 naapertorlugu apeqquteqaammut nr. 2019/339-imut akissut

18-11-2019
Suliap nr. 2019 - 23034
Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanog.gl
www.naalakkersuisut.gl

Asasara Anna Wangenheim

Inatsisartut suleriaasianni § 37 imm. 1 naapertorlugu Kalaallit Nunaanni sullivinnut avatangiisinut tunngasunik Naalakkersuisunut apeqquteqarputit. Apeqqutitit suliassa qarfinnut innersuunneqarput, matumalu kinguliani akissuteqarfigineqarlutik.

1. Naalakkersuisut qanoq iliorlutik Kalaallit Nunaanni sulinermi avatangiisit pillugit inatsisip malinneqarnissaa qulakkeerniarpaat?

Akissut:

Sullivinni avatangiisinut suliassa qarfik danskit akisussaaffeqarfiisa ataanniippoq. Sullivinnik nakkutilliisut Kalaallit Nunaanni sullivinni avatangiisinut suliassa qarfimmi oqartussaasuupput.

Sullivinni avatangiisinut suliassa qarfik akisussaaffeqarfinnik Naalagaaffimmit tigusinissamik piareersarnernut ilaatinneqarpoq, aammalu nassuiaammi suliassa qarfiup akisussaaffigilerlugu tiguneqarneranut tunngassuteqartumi, nassuiarneqartussaalluni.

2. Naalakkersuisut isumaqarpat nunatta suliffeqarfiinni aaqqissuussaanernilu naammattumik sulisut sillimaniarnerat pitsaanerpaaq anguniarlugu nakkutilliisoqartoq?

Akissut:

Naalakkersuisut apeqqummut tassunga Kalaallit Nunaanni Sullivinnik nakkutilliisut aperiaat taakkualu paasissutissiipput:

- 2019-imi januaarimiit oktobarip aallaqqaataanut peqqusissutit 310-it missaat tunniunneqarput kiisalu Kalaallit Nunaat tamakkerlugu nakkutilliilluni angalanernut atatillugu ilitersuinerit 60-it missaat nassiunneqarlutik.
- Sullivinnik nakkutilliisut Kalaallit Nunaanni elevatorini tamaginni misissuisarput.

- Sullivinnik nakkutilliisut Kalaallit Nunaanni atortunik naqitsineqartunik misissuisarput.

Taamaaliornermi Kalaallit Nunaat tamakkerlugu nakkutilliineq ingerlanneqartarpoq.

3: Naalakkersuisut suliffimmi isumannaallisaanikkut pissutsit sulisunillu paaqqinnineq imminut ataqatigiinnerulersinniarlugit, pisortat sektoriani naleqquttumik piginnaanilinnik aqutsisoqarnissaq anguniarlugu soorlu aqutsisunik pikkorissaasarnissamik assigisaanillu pilersaarutini aallartitsiniarlutik suliniuteqarpat?

Akissut:

Kalaallit Nunaanni sullivinni avatangiisit pillugit inatsit akuerineqarmat, 1986-imi Kalaallit Nunaanni sullivinni avatangiisinut siunnersuisooqatigiit pilersinneqarput. Siunnersuisooqatigiinnut siunertaavoq, sullivinni avatangiisit isumannaatsuunissaannik peqqinnartuunissaannillu suliniuteqarnermi suliffeqarnermi illuatungeriit sunniuteqaqataatinneqarnissaat.

Tamatuma saniatigut sullivinni avatangiisinut ilinniartitaanerup inatsimmi pisussaaffigineqartup neqeroorutiginnissaa, Sullivinnik nakkutilliisut suliasaraat. Sulisitsisut 10-inik amerlanernilluunniit sulisoqartut, ilinniartitaanermut inunnik minnerpaamik marlunnik peqataanissamik nalunaartitsinissamut pisussaaffeqarput (sulinermi aqutsisoq 1 aamma sulisartoq 1). Maleruagassat suliffeqarfinnut namminersortunut aamma pisortanit pigineqartunut atuupput.

Kalaallit Nunaanni Sullivinnik nakkutilliisut paasissutissiipput, Kalaallisut aamma Danskisut agguarlugit, 2019-imi sullivinni avatangiisinut ilinniartitaanerit inatsimmi pisussaaffigineqartut 12-it ingerlanneqarsimasut.


4. Naalakkersuisut allanik suliamut soqutiginaatilinnik paasissutissiisinnaanerlutik?

Akissut:

Kalaallit Nunaanni aalisakkerivinni sullivimmi ajoqusernerit aamma sullivinni avatangiisit sammillugit ilisimatusarnermi suliniut, Sullivinni avatangiisinut siunnersuisooqatigiit 2016-imi aningaasalersorpaat, tassani Polar Seafood aamma Royal Greenland piffissap suliffiusup nalaani sulisut 600-it piareersimatillugit. Ilisimatusarnerup taassuma inernerit 2019-imi NunaMed-imi ataatsimeersuarnermi, oktobarimi ingerlanneqartumi, saqqummiunneqaqqammerput.

Sullivinni avatangiisinut siunnersuisooqatigiit sullivinni avatangiisinut
suliassaqarfik pillugu pitsaaliuinnermut ilisimatusarnermullu iliuuseqarlutik
sulissutiginnipput peqataallutillu.

Inussiarnersumik Inuulluaqqusillunga



Erik Jensen